

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK**

-Općinski načelnik-

Broj: 07-5446/15

Datum, 04. 07. 2017. godine

Općinski načelnik općine Srebrenik na osnovu člana 68. stav (4), t. i), a u vezi sa članom 111. stav (13) Zakona o javnim nabavkama Bosne i Hercegovine («Službeni glasnik BiH», broj: 39/14), rješenja Ureda za razmatranje žalbi, Filijala Mostar broj: JN2-03-07-1-566-9/17 od 22.06.2017. godine i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), a na preporuku Komisije za javnu nabavku broj: 07-5446/15 od 03.07.2017. godine donosi:

O D L U K U

I

O d b a c u j e se ponuda ponuđača **“TQM” DOO Lukavac, Institut za kvalitet, standardizaciju i ekologiju** kao neprihvatljiva u otvorenom postupku javne nabavke: **Izrada Projekta višenamjenskog vrednovanja, korištenja i zaštite zemljišta i izrade karte upotrebne vrijednosti zemljišta**, objavljenu na Portalu javnih nabavki, obavještenje o nabavci br. 761-1-2-3-3-3/17 od 06. 01. 2017. godine, ispravci za obavještenje o nabavci broj: 761-1-2-3-8-8/17 od 14.02.2017. godine i "Službenom glasniku BiH" broj: 3/17 od 13. 01. 2017. godine i 11/17 od 17.02.2017. godine.

II

D o d j e l j u j e se ugovor ponuđaču **Univerzitet u Sarajevu, Poljoprivredno-prehrambeni fakultet Sarajevo**, u ukupnom iznosu od **107.869,32 KM sa PDV-om**.

III

Stavlja se van snage Rješenje Općinskog načelnika broj: 07-5446/15 od 26. 05. 2017. godine.

OBRAZLOŽENJE

Na osnovu otvorenog postupka broj: 07-5446/15 od 06.01.2017. godine, objavljenog na Portalu javnih nabavki, obavještenje o nabavci br. 761-1-2-3-3-3/17 od 06. 01. 2017. godine, ispravci za obavještenje o nabavci broj: 761-1-2-3-8-8/17 od 14.02.2017. godine i "Službenom glasniku BiH" broj: 3/17 od 13. 01. 2017. godine i 11/17 od 17.02.2017. godine, proveden je postupak prikupljanja ponuda za javnu nabavku: **“Izrada Projekta višenamjenskog vrednovanja, korištenja i zaštite zemljišta i izrade karte upotrebne vrijednosti zemljišta”**

Ponude po otvorenom postupku za predmetnu nabavku su dostavili sljedeći ponuđači:

1. Univerzitet u Sarajevu, Poljoprivredno-prehrambeni fakultet Sarajevo, u iznosu od 99.136,00 KM (bez PDV-a), i sa ponuđenim popustom od 6.940,00 KM, tako da ukupna cijena sa ponuđenim popustom iznosi 92.196,00 KM (bez PDV-a);
2. TQM DOO Institut za kvalitet, standardizaciju i ekologiju Lukavac, u ukupnom iznosu od 84.850,00 KM (bez PDV-a).

Ugovorni organ je donio Odluku o izboru najpovoljnijeg ponuđača broj: 07-5446/15 od 15. 05. 2017. godine i u tački II dispozitiva predmetne odluke je navedeno da je ponuđač **“TQM” DOO Lukavac, Institut za kvalitet, standardizaciju i ekologiju** dužan u roku koji je određen u dispozitivu predmetne odluke, dostaviti dokaze po članu 45. stav (2) Zakona o javnim nabavkama.

Ponuđač **“TQM” DOO Lukavac, Institut za kvalitet, standardizaciju i ekologiju** je u koverti, koja je protokolirana pod brojem 07-5446/15 od 16.05.2017. godine dostavio dokumentaciju po članu 45. stav (2) Zakona o javnim nabavkama.

Komisija je konstatovala da dokumentacija po članu 45. stav (2) ZJN nije bila potpuna, te je u skladu sa članom 68. stav (1) Zakona o javnim nabavkama, Komisija predložila Općinskom načelniku da se ponuda ponuđača **“TQM” DOO Lukavac, Institut za kvalitet, standardizaciju i ekologiju** odbaci kao neprihvatljiva i da stavi van snage Odluku o izboru najpovoljnijeg ponuđača broj: 07-5446/15 od 15. 05. 2017. godine, te da u skladu sa članom 72 stav 3. tačka b) Zakona o javnim nabavkama dodijeli ugovor drugorangiranom prihvatljivom ponuđaču **Univerzitet u Sarajevu, Poljoprivredno-prehrambeni fakultet Sarajevo** u ukupnom iznosu od **107.869,32 KM sa PDV-om**, nakon čega je donesena Odluka broj: 07-5446/15 od 17. 05. 2017. godine.

Na Odluku broj: 07-5446/15 od 17. 05. 2017. godine ponuđač **“TQM” DOO Lukavac, Institut za kvalitet, standardizaciju i ekologiju** je izjavio žalbu broj: 1454/17 od 22.05.2017. godine, a koju je Općinski načelnik uvažio i donio rješenje broj: 07-5446/15 od 26. 05. 2017. godine kojim je stavljena van snage odluka broj: 07-5446/15 od 17. 05. 2017. godine.

Na predmetno rješenje ponuđač **Univerzitet u Sarajevu, Poljoprivredno-prehrambeni fakultet Sarajevo** je izjavio žalbu koja je zaprimljena na protokol ugovornog organa dana 05. 06. 2017. godine.

Ugovorni organ je razmatrajući predmetnu žalbu proslijedio istu Uredu za razmatranje žalbi-Filijala Mostar, sa svojim izjašnjenjem na navode žalbe, kao i kompletnu dokumentaciju u vezi s postupkom protiv kojeg je izjavljena žalba.

Ured za razmatranje žalbi-Filijala Mostar, rješavajući po žalbi ponuđača **Univerzitet u Sarajevu, Poljoprivredno-prehrambeni fakultet Sarajevo**, je donio rješenje broj: JN2-03-07-1-566-9/17 od 22.06.2017. godine, kojim se usvaja žalba ponuđača **Univerzitet u Sarajevu, Poljoprivredno-prehrambeni fakultet Sarajevo**, kao djelimično osnovana, čime se poništava rješenje Općinskog načelnika broj: 07-5446/15 od 26. 05. 2017. godine, i predmet vraća ugovornom organu na ponovni postupak.

U obrazloženju rješenja Ureda za razmatranje žalbi-Filijala Mostar navodi se da: „Žalilac osporava prihvatljivost ponude izabranog ponuđača i iz razloga što isti u svojoj ponudi nije upisao ponudenu cijenu (i) slovima. Uvidom u t. 17. TD utvrđeno je da ista sadrži zahtjev po kome se ukupna cijena ponude piše brojevima i slovima. Član 19. TD navodi da je tehnički zadovoljavajuća ponuda ona koja sadrži sve zahtijevane dokaze za ispunjavanje kvalifikacionih uslova i koja je pripremljena u skladu sa odredbama TD. Član 14. stav (2) Uputstva za pripremu modela tenderske dokumentacije i ponuda ('Službeni glasnik BiH' br. 90/14 i 20/15) propisuje da se cijena ponude piše brojevima i slovima. Uvidom u TD predmetnog postupka nabavke, u Obrazac za ponudu i Obrazac za cijenu ponude, utvrđeno je da isti ne sadrže posebnu rubriku koja omogućava upis ponudene cijene slovima ali da Nacrt ugovora (tačka 3. Plaćanje) sadrži zahtjev po kome se ponudena cijena upisuje i slovima. Uvidom u ponudu izabranog ponuđača utvrđeno je da isti ni u jednom dijelu svoje ponude nije upisao ponudenu cijenu slovima. Uvidom u Nacrt ugovora popunjenog od strane izabranog ponuđača utvrđeno je da isti tačku 3. Nacrta ugovora kojom se predviđa upisivanje naknade u ukupnom iznosu slovima (i brojevima) nije popunio, što predstavlja nedostatak navedenog dokumenta. S obzirom na nesporno utvrđene gore spomenute činjenice, ovaj organ je mišljenja da u konkretnom slučaju, izabrani ponuđač nije dostavio svoju ponudu u skladu sa zahtjevom propisanim t. 17. TD, te se razmatrani žalbeni navod žalioaca cijeni osnovanim”.

Imajući u vidu gore navedeno, a u vezi sa članom 111. stav (13) Zakona o javnim nabavkama Bosne i Hercegovine, ugovorni organ je odlučio kao u dispozitivu Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom. Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.

OPĆINSKI NAČELNIK

Dr.sci. Nihad Omerović